


www.BibleForChildren.org

Mbulembu 3



Tọ dụ iya bụ, Ádamu gụa nyee
ya ono lifu, o noo nkele ọo
ya l'a-bụ ne ọha l'owhu.



Agwọ bụ anụ, shi kakọta ọgba
eregede l'iwhe bụ anụ-ẹgbudu,
Onye-Nwe-Ọha, bụ Chileke meshiru.
Ọ bya aji nwanyi ono sụ iya: “?Ọ sụru
mbụ Chileke t'ọ bọ dushi akpuru oshi,
dụ ị mgbabu-a, unu l'e-rije?”



Nwanyị onọ sụ
agwọ onọ: “Anyi
l'e-rijekwa-a akpuru
oshi, dụ-gee lẹ
mgbabu-a mę anyi chọo. O chikwa akpuru
oshi owhu, dụ l'echi mgbabu bę Chileke sụru
t'anyi be erikwa. Mbụ t'anyi be
ejekwa iya ome ẹka
ememe owhu; l'anyi
-mekwaa ya ẹka bę
anyi l'a-nwuhukwa.”



Agwọ ono sụ
nwanyị ono: “Ọ tọ
dụkwa anwụhu, unu
l'a-nwụhu. Iwhe
mechiaru nụ bụ ị Chileke
marụ l'unu -ria ya; ẹnya
asahụ unu, unu adụ g'ọo
Chileke, marụ iwhe dụ
ree mę iwhe-dụ-ẹji.”



Nwanyị ono bya elee ụnya l'akpuru
oshi ono, whụ l'ọ dụ ree nke eriri;
dụ mma l'ụnya; l'ọogu ẹgu t'e ria
ya marụ iwhe. Ọ wọta iya ria bya
anụ ji iya, yele iya tukurụ nọdu
l'ẹka ono; o rikwawho.



Ọọ ya bụ, ẹnya saḥkota whẹ labọ.
Whẹ bya amarụ lẹ whẹ gbagee ọto.
Whẹ dzukobe mkpẹkwo figu nmarụ.





Onye-Nwe-Ọha, bụ Chileke bya
agbaku onye nke nwoke oku sụ iya:
“?Ọo awe b'ị nọ?” Ádamu sụ iya: “Mu
nụkwaru ụkporo ghu lẹ mgbabu, egvu tsulaha
mu nkele mu gba ọto; mu je edomia onwomu.”





Onye-Nwe-Ọha sụ iya: “?Oo onye sụru
ghu l'ị gba ọto? ?I riwaru akpuru oshi
ono, mu sụru t'unu be eri?”



Ádamu sụ iya: “Ọo nwanyi-a, i doberu mu l'iya l'ẹka-a bẹ nuru mu akpuru oshi ono; mu ria.”
Onye-Nwe-Ọha, bụ Chileke jia nwanyi ono sụ iya: “?Ndehununu g'ọ nwuru i mee iwhe dụ ẹgube ono?” Nwanyi ono sụ: “Ọo agwo bẹ duwhuru mu, mu je eria ya.”





Ọo ya bụ, Onye-Nwe-Ọha bụ
Chileke chifu iya le mgbabu
Idenu, t'o je akolahaa iwhe
l'ali, bụ ẹka e shi wota
eja kpua ya.






Ọ chifu-gelewho madzụ ịe mgbabu ono,
o dobegee ojozhi-imigwe, bụ Cherubu
l'ụzo ẹnyanwu-awata mgbabu Idenu
ono; dobe iya ogu-igba, l'egbu
temutemu; iwhu me azụ t'ọ
cheje ụzo, e shi
abahu l'eka oshi
ndzụ ono dụ nche.



Ádamu yẹle nyee ya lifu bya azẹe, ọ tsuta ime, nwụa Kenu. lifu sụ: “Onye-Nwe-Ọha bẹ yewaru mu ẹka, mu nwụa nwa nwoke.” E megee, ọ bya anwụtafua Ébelu, ọ bụru nwune Kenu nke nwoke. Ébelu bụru onye l'akpa igwe aturu, Kenu bụru onye l'akọ okfu.



O be nteke ọbu; Kenu shi l'iwhe ọ kọtaru l'alì hata gbaarụ Onye-Nwe-Ọha ẹja. Ébelu shi l'aturu ivuruzo, aturu iya nwushiru hata gbua, butagee ya ẹka ọ nmarụ ẹba gude gbaarụ Onye-Nwe-Ọha ẹja nkiya.



Ébelu męe ęja, ọ gbarụ dụ Onye-Nwe-Ọha ree. Ọ jįka ọwhube Kenu męe ęja, ọ gbarụ. Ọo ya bụ, Kenu vọru ọku ghụa ęhu dzụkfube.



Tọ dụ iya bụ, Kenu sụ nwune iya Ébelu
tẹ whẹ je l'ẹgu; whẹ jeshia. Whẹ
nọdu l'ẹgu l'ẹka ono, Kenu ghakọbe
zụ-gude nwuneiya ono gbua.



O noo ya, Onye-Nwe-Ọha bya ajia Kenu sụ iya:
“?Ndehununu nwune ghu Ébelu?” Kenu sụ iya:
“Mu ta amakwa. ?Mu l'eche nwune mu
eche?” Ọo ya bụ, Kenu lụfu l'iwhu
Onye-Nwe-Ọha, je eburu l'ali Nọdu,
dụ l'ụzo ẹnyanwu-awata Idenu.



O noo ya, Ádamu yeḗ nyee ya bya azeḗkwawho odo,
o nwuṗta nwa nwoke, guya ya Seti su: “Chileke
nuwaru mu nwa nwoke odo, l'a-no-chi enya
Ébelu, eshi-owhu Kenu gburu yeḗbedua.”



Ádamu nwụ-gee Seti, bya anofua unu awha ugbo labo. O nwushikwawho unwoke yele unwanyi tsota Seti. Mkpako awha, Ádamu noru bu unu awha ugbo labo l'ukporo awha ugbo ishii l'awha iri, temenu o nwuhu.




Onye-Nwe-Ọha bya elee ẹnya whụ
g'ejo-ememe madzụ habe shii ị
mgboko; l'iwhe l'agbaję madzụ
l'uche ntekenteke bụ ọriri
ome ejo-iwhe.



Onye-Nwe-Ọha sụ: “Mu l'e-me tẹ madzụ ono,
mu meru tọhu lẹ mgboko. Madzụ l'a-tọhu,
anụ atọhu, iwhe l'awụ l'ẹwho atọhu,
ẹnu l'ewhe l'eli atọhu; o noo nkele
ọo awụ tsọru mu lẹ
mu meru wẹ.”



Ọle Nowa bẹ tųbaru Onye-Nwe-Ọha l'obu. Nowa
bẹ nwųtaru ųnwegirima unwoke ẹto, ẹwha
whẹ bų Shemu mẹẹ Hamu mẹẹ Jafẹti.



Lẹ Chileke bẹ yenukaru ndiwhe obu,
yetabe whẹ iya nke ọwhu ọ nuru Nwa
lanu, o nwe kpụ nke ọwhu bukwanu
onye wowaru onwiya ye Nwa iya ono
l'ẹka t'onye ọbu ba ala l'iyi. O
chia ndzụ tututu-mimimi bẹ
onye ono l'e-nwe.



Romu 3:23 O noo lẹ madzụ lile mewaru iwhe-dụ-ẹji, shi nno nafụ onwowhe ugwu ka l'ugwu, Chileke meru tẹ ya kwabẹ whẹ.

Romu 6:23 O noo nkele ụgwo oome iwhe-dụ-ẹji l'akfujẹ madzụ bụ ọnwu. Obenu l'iwhe ọma, Chileke l'a-nụ bụ ndzụ tututu-mimimi ọwhu shi l'ẹka Onye-nwe-anyi Jisọsu Kuráýisutu.

Híburu 9:27 Iwhe duru madzụ bụ lẹ madzụ nwuhufutaje ugbo lanụ kpụ. Ọ nwuhuwaa ugbo lanụ ono, iwhe ọdo l'e-mefua bụ lẹ Chileke l'e-kpe iya ikpe.



Éfesòsu 2:8,9 Ọọ l'ọọ lẹ Chileke l'emenuka eze-iwhe-ọma meru g'o gude ọ dzọo unu. Adzọta ono, a dzọtaru unu shi l'ekwekwe unu kweru. Ọ tọ dukwa iwhe unu l'eyekwabaa ya. Adzọta ono ta abukwa obunggo iwhe unu setaru l'anya. Ọlekwawho iwhe-ọma, Chileke meru unu ẹwoma. Tọ hẹ l'ọọ nke ree, unu l'eme. Ọọ ya bụ tọ bọ dukwa onye l'e-je oku onwiya.

Romu 10:9,10 Nteke ọ -bụ l'i gude ọnu ghu kfua ya kfushia ya ike l'ẹka ndu ọdo nọ l'ọọ Kuráýisutu bụ Onye-Nwe-Ọha ọbu; gude obu ghu g'ọ ha kweta lẹ Chileke meru iya, o shi l'ọnwu teta nọdu ndzụ, bẹ Jisọsu ọbu l'a-dzọfutakwa ghu. O noo nkele onye gude obu iya g'ọ ha woru onwiya ye Kuráýisutu l'ẹka, bẹ Chileke l'a-gụ onye ono l'onye dọ chiri, tẹmenu onye gude ọnu iya kfua ya l'ẹka ndu ọdo nọ bẹ Kuráýisutu l'a-dzọfutakwawho.



Jonu 3:16,17 Lẹ Chileke bẹ yenukaru ndiwhe obu, yetabe whẹ iya nke ọwhu ọ nuru Nwa lanu, o nwe kpụ nke ọwhu bukwanu onye wowaru onwiya ye Nwa iya ono l'ẹka t'onye ọbu ba ala l'iyi. O chia ndzụ tututu-mimimi bẹ onye ono l'e-nwe. Iwhe Chileke kwoberu zhi Nwa iya t'ọ bya lẹ mgboko-o ta abukwa t'ọ bya ekpelahaa ndiwhe ikpe. Iwhe ọ byaturu kwa t'e shi l'ẹka iya dzọo ndiwhe.

1 Jonu 5:11-13

Ẹka-ebe ọbu bụ lẹ Chileke nuru anyi ndzụ tututu-mimimi mee lẹ ndzụ ono bụ l'ẹhu Nwa iya b'o shi.

Onye yele Nwa Chileke ono tugbaru buru nnanu bẹ nweekwaru ndzụ ono, ọle onye yele Nwa ono l'ete atugbaa buru nnanu te enwekwa ndzụ ono.

Sụ, iwhe-e mu l'ede bẹ bukwa unubedua unu lẹ Nwa Chileke tugbaru buru nnanu bẹ mu l'ederu iya ngge unu makwanuru l'unu nwewaa ndzụ tututu-mimimi ono.



Mbulembu 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ezaa Bible (eza) © 2014, Wycliffe Bible Translators, Inc. in
cooperation with Abakaliki Literacy and Translation Trust

<http://www.wycliffe.org>

©2024 Bible for Children, Inc.

www.M1914.org www.bibleforchildren.org

